

ANGAZHIMI PËR VEPRIM TË PËRBASHKËT - EJA KOSOVË

UDHËZIME PËR APLIKIM PËR GRANTE INSTITUCIONALE

HYRJE

Angazhimi për Veprim të Përbashkët (EJA Kosovë) është program i KCSF-së që mbështet nismat e shoqërisë civile përmes granteve dhe ndërtimit të kapaciteteve me synimin e përgjithshëm për t'i kontribuar një shoqërie demokratike e gjithëpërfshirëse në Kosovë në rrugën e saj drejt integritimit në Bashkimin Evropian. E themeluar si mekanizëm i financimit ku disa donatorë i bashkojnë fondet e tyre për përkrahjen e shoqërisë civile, EJA Kosovë aktualisht financohet bashkërisht nga Agjencia Zvicerane për Zhvillim dhe Bashkëpunim (SDC) dhe Suedia.

Duke vënë në plan të parë angazhimin dhe pjesëmarrjen e qytetarëve përgjatë tërë punës së shoqërisë civile, EJA Kosovë synon të kontribuojë drejt dy qëllimeve kryesore ku: (a) shoqëria civile shfrytëzon hapësirat për avokim dhe synon krijimin e mundësive/hapësirave të reja për pjesëmarrje të qytetarëve dhe qytetareve në formësimin e çështjeve me interes publik dhe (b) organizatat e shoqërisë civile forcojnë lidhjet me qytetarë dhe përmirësojnë llogaridhënien dhe transparencën ndaj anëtarëve dhe publikut të gjerë.

EJA Kosovë bazohet në premisën që përmes sistemeve të gjithëpërfshirjes, transparencës dhe llogaridhënies nga njëra anë, dhe qasjes dhe komunikimit më të mirë me komunitetin, nga ana tjetër, OSHC-të do ta përbrendësojnë praktikën e përfshirjes së qytetarëve në punën e tyre dhe do të zhvillojnë një bashkëpunim më të thellë duke i kontribuar kështu drejtpërdrejt forcimit të lidhjes me grupet e qytetarëve për të cilët angazhohen. E kombinuar me qeverisje të brendshme më të mirë dhe transparencë e llogaridhënie të shtuar, EJA Kosovë pritet të rrisë besimin në shoqërinë civile si një platformë e përshtatshme për t'i shprehur shqetësimet e qytetarëve.

Përhapja në nivel global e COVID-19 dhe efektet e kësaj pandemie kanë ekspozuar më tej pabarazinë dhe problemet socio-ekonomike sistematike në shoqërinë tonë, të cilat në mënyrë disproporcionale prekin grupet më të marginalizuara të shoqërisë. Ngjajshëm, domosdoshmëria për të përforcuar lidhjet me qytetarët, për të ndërtuar besim dhe komunikim me komunitetin dhe për të vepruar si mbikqyrës i institucioneve është bërë edhe më urgjente. Pabarazitë tashmë ekzistuese në shoqërinë tonë do të bëhen edhe më të thella nëse grupet e marginalizuara nuk vendosen në qendër të vëmendjes. Është e nevojshme që shoqëria civile të mobilizohet dhe t'iu jap zë atyre që iu duhet më së shumti në këtë kohë.

Bashkëfinancuar nga:

1. HYRJE

Qytetarët e Kosovës po ballafaqohen me një pabarazi të thellë dhe shumicës së tyre iu janë tjetërsuar burimet, mundësitë, vendimmarrja dhe jeta politike. Proceset gjithëpërfshirëse dhe institucionet e hapura janë përjashtim, e jo normë.

Politikëbërja duhet të kuptohet përtej proceseve formale të natyrës normative, pasi ajo i përfshinë të gjitha aspektet e shoqërisë dhe të jetës publike. Për t'i adresuar nevojat e të gjithë qytetarëve, politikëbërja duhet të jetë gjithëpërfshirëse për të gjithë, përtej atyre që janë në pushtet ose disa të tjerëve që janë të arsimuar mirë dhe elokuent në shkrimin ligjor dhe të politikave. Çdo kosovar, burrë e grua, djalë e vajzë, duhet ta ketë mundësinë për t'i adresuar nevojat, shqetësimet dhe propozimet e veta në mënyrën më të përshtatshme për kapacitetet, nevojat dhe kontekstin e tij/saj. Shoqëria civile ka një mundësi, por edhe përgjegjësi, për t'i fuqizuar qytetarët dhe për t'i sjellë shqetësimet dhe zërin e tyre në vëmendjen e politikave publike dhe të diskursit publik.

Të vetëdijshëm për diversitetin e shoqërisë civile dhe qasjet e ndryshme, EJA Kosovë përqendrohet në nisma të shoqërisë civile dhe individë që kultivojnë praktika pjesëmarrëse në punën e tyre sepse beson që vetëm duke i përfshirë sistematikisht qytetarët në punën e tyre, shoqëria civile u përgjigjet nevojave të qytetarëve. Për më tepër, EJA Kosovë beson që një përfshirje e tillë shkon paralelisht me rritjen e transparencës dhe llogaridhënies së shoqërisë civile, si dhe me përmirësimin e praktikave të qeverisjes së brendshme përtej dokumenteve e raportimeve. Përpjekjet e përbashkëta përmes rrjetëzimit dhe ndërtimit të aleancave do ta maksimizojë potencialin për ndryshim në një kontekst të burimeve të pakta njerëzore e financiare. Duke ua shtuar këtë kapaciteteve dhe përvojës tashmë ekzistuese të shoqërisë civile, EJA Kosovë synon ta ngushtojë boshllëkun ekzistues midis shoqërisë civile dhe qytetarëve dhe të kontribuojë në rritjen e legjitimitetit të shoqërisë civile.

a. Instrumentet e mbështetjes të EJA Kosovë

EJA Kosovë është dizajnuar me qëllimin për ta lehtësuar dhe mbështetur në mënyrë të përshtatshme këtë qasje të re, përmes sigurimit të mjeteve të nevojshme financiare dhe kapaciteteve të nevojshme për nismat e shoqërisë civile dhe individët e interesuar për t'i kontribuar një shoqërie demokratike e gjithëpërfshirëse në Kosovë. Përmes *granteve institucionale*, EJA Kosovë do të mbështesë organizata të konsoliduara që kanë strategji të qartë për ta vazhduar punën e tyre në fushat përkatëse tematike; përmes *granteve për zhvillim organizativ*, EJA Kosovë do t'i mbështesë organizatat që kanë drejtim të qartë të zhvillimit, por që kanë nevojë për mjete dhe burime specifike për ta avancuar punën e tyre; përmes *granteve për projekte*, do të mbështesë veprime specifike të nismave të shoqërisë civile dhe individëve që adresojnë çështje konkrete, qoftë të një natyre më sistematike ose më të kufizuar në shtrirje dhe kohëzgjatje; përmes *granteve urgjente*, EJA Kosovë do të mundësojë reagime të menjëhershme të nismave të shoqërisë civile dhe individëve ndaj zhvillimeve të papritura të rëndësisë publike; dhe përmes *Çmimit për Demokraci që ndahet në baza vjetore*, do të njohë kontributet e jashtëzakonshme për zhvillimin e demokracisë në Kosovë dhe do të promovojë rastet dhe modelet që duhet ndjekur. Trajnimi dhe mentorimi, si dhe mundësitë për rrjetëzim dhe ndërtim të aleancave do të ofrohen si mundësi shtesë përveç mbështetjes financiare.

b. Granti institucionale

EJA Kosovë beson se përveç adresimit të çështjeve specifike me rëndësi për grupe të posaçme të qytetarëve, shoqëria civile mund të kontribuojë në procese sistemike. Kontributi i tillë kërkon avokim të vazhdueshëm, njohuri të thella mbi çështjet përkatëse dhe sisteme e praktika të brendshme të zhvilluara. Këto parakushte nuk plotësohen nëse organizatat veprojnë vetëm me fonde afatshkurta ose u kërkohet të zbatojnë aktivitete të caktuara të projektit, pavarësisht nga ndryshimi i kontekstit dhe nevojave. Për ta ruajtur stafin profesional, organizatat me staf të kualifikuar e me përvojë solide janë të detyruara që vazhdimisht të kërkojnë mundësi financimi dhe shumë herë të zbatojnë projekte të vogla e të shpërndara, në vend se ato të përqendrohen në strategjitë e tyre afatgjata. Kjo ndikon në potencialin e tyre për ndryshim dhe rrezikon qëndrueshmërinë e intervenimeve të shoqërisë civile. Duke u bazuar në përvojën e suksesshme paraprake të KCSF-së, EJA Kosovë beson se duke siguruar mbështetje afatgjate dhe fleksibile financiare, organizatat që kanë treguar konsistencë si agjentë të ndryshimit në fushën e tyre të ekspertizës do t'i mbështesin intervenimet dhe do t'i avancojnë më tej misionet e tyre. Grantet institucionale synojnë ta mbështesin zbatimin e strategjive të organizatave dhe, përveç forcimit të kapaciteteve të brendshme organizative, të bëhen zëri i qytetarëve në fushat tematike që i mbulojnë. Grantet institucionale janë të dedikuara për organizatat që janë të konsoliduara, që kanë strategji të punës të definuar mirë dhe aftësi të dëshmuara teknike dhe organizative. Përfituesit e granteve institucionale priten të jenë të gatshëm dhe të veprojnë menjëherë në politika të interesit publik që shtrihen në fushën e tyre të veprimit. Ato do ta kenë fleksibilitetin e nevojshëm për t'u përshtatur me zhvillimet e jashtme kontekstuale e programatike që paraqiten dhe për t'u mobilizuar për të vepruar shpejt kur është e nevojshme. Përveç kësaj, grantet institucionale u mundësojnë organizatave që të adresojnë në mënyrë të vazhdueshme e sistematike përfshirjen e qytetarëve në punën e tyre dhe t'i përmirësojnë praktikatat e qeverisjes së brendshme. Grantet institucionale bazohen në strategji dhe plane pune shumëvjeçare e jo në projekte dhe/ose aktivitete specifike.

2. KËRKESAT E PËRGJITHSHME TË THIRRJES

a. Kriteret e pranueshmërisë

Për të pasur të drejtë për aplikim, organizatat aplikante duhet t'i plotësojnë kriteret në vijim:

- Të jetë organizatë joqeveritare vendore e regjistruar në bazë të ligjit në fuqi në Kosovë (degët e OJQ-ve të huaja dhe ndërkombëtare të regjistruara në Kosovë nuk kanë të drejtë të aplikojnë);
- Të jenë drejtpërdrejt përgjegjës për menaxhimin e grantit;
- Të demonstrojnë aftësi për menaxhimin e aktiviteteve të propozuara;

- Të mos jenë të udhëhequra ose të menaxhuara nga persona të ekspozuar politikisht ([PEP](#))¹.
- Të mos jenë të mbështetur me grant institucional nga SIDA gjatë periudhës për të cilën kërkohet mbështetje nga EJA Kosovë.

b. Organizatave joqeveritare

OJQ-të aplikuese duhet të demonstrojnë se angazhimi i tyre është në fushën e demokratizimit dhe fushave të programit EJA Kosovë. Përkundër statusit të tyre juridik, jo të gjitha OJQ-të janë të përfshira në kriteret e mësipërme të pranueshmërisë. Për shkak të fushëveprimit të gjerë të legjislacionit në fuqi në Kosovë për regjistrimin e OJQ-ve, klubet sportive, federatat sportive, shoqatat kulturore amatore ose organizatat fetare, që janë të regjistruara si OJQ, nuk janë synim i granteve të KCSF-së. Ngjashëm, OJQ-të që përfaqësojnë biznese ose subjekte të ngjashme për të cilat është e qartë që kanë aftësi financiare për të mbuluar kostot e organizatës së tyre ose për të përkrahur aktivitetet e tyre, nuk janë synim i granteve të KCSF-së.

c. Numri i aplikacioneve

Organizatave mund të paraqesin vetëm një aplikacion.

d. Grantistët aktual

Përfituesit e granteve institucionale ose granteve për zhvillim organizativ të EJA Kosovë nuk mund të jenë **në të njëjtën kohë** edhe zbatues të granteve të tjera të programit EJA Kosovë.

e. Kohëzgjatja dhe buxheti

Organizatave mund të aplikojnë për përkrahje për një periudhë 24 muajshe. Buxheti maksimal i kërkuar për financim nga kjo thirrje nuk duhet të kalojë 40.000 EUR nëvit (duke përfshirë edhe shpenzimet për auditim).


Deri në 15% e buxhetit të përgjithshëm të propozuar mund të ndahet për zhvillim organizativ² (d.m.th. sistemet e brendshme, ngritja e kapacitetit të personelit, pajisjet për zyrë etj.).

f. Fushat e intervenimit

Mbështetja e EJA Kosovë do të përqendrohet në kontributin e shoqërisë civile në ciklin e politikëbërjes, duke i përfshirë gjithnjë e më shumë qytetarët në përpjekjet e tyre për avokim dhe duke krijuar/identifikuar vende dhe hapësira për angazhim të qytetarëve.

¹ Për më shumë rreth kufizimeve në lidhje me personat e ekspozuar politikisht ([PEP](#)), shih formën e aplikimit. Të gjitha organizatat aplikuese janë të detyruara të deklarojnë se asnjë person në pozicionet drejtuese, sipas përcaktimit të personave të ekspozuar politikisht nuk bien nën këtë kategori.

² Kjo thirrje synon të mbështesë kryesisht zbatimin e strategjive ekzistuese të organizatave aplikuese, ku zhvillimi organizativ nuk është synimi kryesor i mbështetjes përmes kësaj thirrje. Në fillim të vitit 2022, programi EJA Kosovë do të shpallë thirrje specifike të dedikuara vetëm për zhvillim organizativ të organizatave. Për më shumë shini seksionin për instrumentet e EJA Kosovë në këtë [vegëz](#).



EJA Kosovë synon t'i kontribuojë angazhimit të shtuar qytetar për të ndikuar në prioritete, planifikim, marrje të vendimeve dhe zbatim të politikave publike në qeverinë lokale e qendrore, me theks të veçantë në fushat e mëposhtme prioritare:

- Pjesëmarrje më e lartë e grave dhe grupeve të tjera të marginalizuara në planifikim buxhetor;
- Përmirësimi i të drejtave socio - ekonomike e kulturore të grupeve të marginalizuara;
- Forcimi i rolit të shoqërisë civile në avokim dhe mbikëqyrje, me theks të veçantë në të drejtat dhe nevojat e grupeve të marginalizuara;
- Fuqizimi i të rinjve për të marrë pjesë në hartimin dhe zbatimin e politikave;
- Edukimi qytetar për të drejtat e njeriut;

Aktivitetet e mbikëqyrjes, monitorimit të hartimit dhe zbatimit të politikave dhe legjislacionit, kontributi në politika publike, kontributi në temat kontraverze, përmirësimi i përfaqësimit të grupeve të marginalizuara, krijimi dhe shfrytëzimi i hapësirave publike, ngritja e vetëdijësisë dhe edukimi në luftimin e stereotipeve gjinore dhe përfaqësimi i romëve, ashkalinjëve dhe egjiptianëve do të ishin ilustrime të disa prej nismave që do të mbështeten dhe përshtaten brenda teorisë më të madhe të ndryshimit të këtij programi.

EJA Kosovë do të mbështesë nismat që do të përqendrohen në adresimin e të drejtave dhe nevojave të grupeve të marginalizuara, përkatësisht grave, personave me nevoja të veçanta, romëve, ashkalinjëve, egjiptianëve dhe pakicave serbe, komunitetit LGBTI+, të moshuarve dhe të rinjve.

g. Niveli i intervenimit dhe mbulimi gjeografik

Përmes kësaj thirrje do t'u ofrohet mbështetje OJQ-ve në mbarë Kosovën të cilat kërkojnë të sjellin ndryshime në nivelin lokal (komunal) dhe/ose kombëtar (qendror). Në veçanti, të paktën 30% e përfituesve të granteve institucionale do të jenë organizata me seli dhe që operojnë jashtë Prishtinës.

h. Angazhimi i qytetarëve


Angazhimi i qytetarëve gjatë gjithë punës së organizatës është një aspekt i rëndësishëm i intervenimeve të mbështetura nën programin EJA Kosovë.

Prandaj, organizatat aplikuese pritet të sqarojnë qartë se si mendojnë t'i përfshijnë qytetarët në punën e tyre, në kuadër të strategjive të tyre aktuale dhe punën e tyre në të ardhmen.

Aplikantët duhet ta paraqesin një analizë të qartë të grupit të tyre të synuar, arsyen pse angazhimi dhe pjesëmarrja e tyre është e rëndësishme për punën e organizatës dhe mënyrat e ndryshme në të cilat synojnë t'i angazhojnë grupet e synuara.

Në analizën e grupit të tyre të synuar, aplikantët pritet të njohin dallimet brenda atyre grupeve (si gjinia, moshë, përkatësia etnike, feja, arsimit, vendndodhja, rrethanat socio-ekonomike, interesat dhe nevojat) dhe t'i përshtatin propozimet dhe intervenimet e tyre sipas rrethanave. Aplikantët gjithashtu pritet ta analizojnë potencialin për angazhim të grupeve të synuara dhe ta zhvillojnë një qasje realiste për rritje graduale por sistematike, të përfshirjes së tyre në punën e organizatës.

OJQ-të e përkrahura do të kenë qasje në mentorim dhe ndërtim të kapaciteteve për avokimin pjesëmarrës dhe mobilizimin e komunitetit, për t'i ndihmuar që mbi përvojën e tyre paraprake të zhvillojnë planin për përfshirjen e qytetarëve. Për udhëzime lidhur me përfshirjen e qytetarëve, ju



lutemi shikoni dokumentin e shkurtër [Udhëzues për aplikantët: Përfshirja e qytetarëve në webfaqen e KCSF-së.](#)

i. Qeverisja e brendshme

Qeverisja e brendshme e OJQ-ve mbetet një aspekt i rëndësishëm në përpjekjet për ta përmirësuar dhe ndërtuar besimin e qytetarëve në sektorin e shoqërisë civile dhe për të qenë në gjendje që organizatat të shërbejnë si shembull i qeverisjes së mirë, transparencës dhe llogaridhënies ndaj publikut, në përgjithësi. Të gjitha organizatat aplikuese pritet të japin informacione për mekanizmat e kontrollit të brendshëm, strukturën e menaxhimit, marrjen e vendimeve brenda organizatës dhe menaxhimin financiar. Aplikantët e përzgjedhur në listën e ngushtë do t'i nënshtrohen një verifikimi të detajuar gjatë vizitave në zyre nga KCSF, me ç'rast duhet të paraqiten dokumentet mbështetëse për të gjitha kategoritë e lartpërmendura.

Pas këtij vlerësimi fillestar, KCSF-ja do të punojë intensivisht me organizatat e mbështetura për ta zhvilluar një mentorim të përshtatur për adresimin e nevojave të identifikuar, të praktikave të qeverisjes së mirë, të menaxhimit të mirë financiar dhe të parimeve të transparencës, luftimit dhe parandalimit të korrupsionit dhe llogaridhënies.

j. Bashkëpunimi/Grupet e rrjetëzimit

Për ta nxitur një bashkëpunim më të madh dhe veprim të përbashkët ndërmjet OJQ-ve, EJA Kosovë do të sigurojë platforma të ndryshme dhe mundësi për takime ku OJQ-të mund të takohen dhe shkëmbejnë përvoja në mes vete. Bashkëpunimi për çështje me interes të përbashkët është rezultat i synuar, prandaj pritet që organizatat e mbështetura të jenë proaktive për t'i identifikuar dhe kontribuar në mobilizimin e nismave të tjera të shoqërisë civile në fushat e tyre të punës.

Ngjarjet tematike janë një platformë e cila do të jetë në dispozicion për të gjitha organizatat e mbështetura për të propozuar çështje përkatëse në fushën e tyre të punës dhe/ose çështje që nuk bien drejtpërdrejt në fushën e tyre të punës, por që konsiderohen të rëndësishme, urgjente dhe relevante. Meqenëse qëllimi i EJA Kosovë është të zgjerojë veprimtarinë e shoqërisë civile në të gjithë vendin dhe të kontribuojë në krijimin e lidhjes me qytetarët, synohet që këto ngjarje tematike të organizohen kryesisht jashtë Prishtinës.

k. Temat horizontale

Integrimi gjinor si mjet drejt barazisë gjinore do të jetë një çështje horizontale dhe e ndërlidhur në të gjitha intervenimet. Si rregull i përgjithshëm, të gjitha organizatat e mbështetura pritet t'i shtrijnë intervenimet e tyre në mënyrë të barabartë mes gjinive, të jenë të kujdesshme për efektet e intervenimit për burra e gra, djem e vajza, dhe të mos kontribuojnë në stereotipe të dëmshme. Të gjitha organizatat e mbështetura pritet t'i mbledhin dhe t'i ruajnë të dhënat të ndara sipas gjinisë. Për udhëzime lidhur me integrimin gjinor, ju lutemi shikoni dokumentin e shkurtër [Udhëzues për aplikantët: Integrimi gjinor në webfaqen e KCSF-së.](#)

3. PRANUESHMËRIA E AKTIVITETEVE DHE SHPENZIMEVE

a. Intervenimet/Aktivitet e papranueshme

Aktivitetet në vijim nuk do të mbështeten:

- Aktivitetet që drejtpërdrejt lidhen me partitë politike ose që i mbështesin ato;
- Investimet kapitale;
- Grantet e përbëra tërësisht ose kryesisht nga punët dhe/ose studimet përgatitore;
- Aktivitetet e projekteve dhe intervenimeve ndërkufitare;
- Aktivitetet që zbatohen jashtë Kosovës (përjashtim bëjnë takimet e punës tek organizatat partnere ose të rrjeteve për qëllime të bashkëpunimit dhe ndarjes së përvojave);
- Aktivitetet e llojit të shërbimit, si dhe ato që i ngjasojnë asistencës teknike;
- Fushatat e ngritjes së vetëdijes pa aktivitete të duhura pasuese;
- Intervenimet që janë të varura nga aprovime në shumë nivele, e që si rrjedhojë kanë shumë gjasa që të dështojnë apo të mos arrijnë rezultate;
- Dhënia e granteve për palët e treta. Përkrahja financiare në shkallë të vogël për përfituesit e punës së organizatës lejohet vetëm në rastet kur të gjitha shpenzimet ekzekutohen nga organizata zbatuese;
- Bursat për shkollim.

Nëse nuk janë të domosdoshme për arritjen e objektivave të synuara të strategjisë së organizatës, në parim, aktivitetet e cekura më poshtë nuk do të mbështeten:

- Konferencat, diskutimet në tryeza të rrumbullakëta ose ngjarjet e ngjashme në vendet (si hotelet) që nuk janë të hapura dhe lehtësisht të qasshme për qytetarët e rëndomtë;
- Hulumtimet dhe studimet e fizibilitetit, posaçërisht si mjet për ta hartuar pjesën tjetër të aktiviteteve;
- Udhëtimet studimore jashtë Kosovës.

b. Shpenzimet e pranueshme

Për t'u konsideruar të pranueshme, shpenzimet duhet t'i plotësojnë kriteret në vijim:

- janë të domosdoshme për zbatimin e suksesshëm dhe arritjen e rezultateve të caktuara të intervenimit;
- janë të arsyeshme dhe përputhen me kërkesat e menaxhimit të mirë financiar, përfshirë llogaritjet e drejta dhe të bazuara në çmime të tregut dhe efikasitetin e shpenzimeve;
- përputhen me kërkesat e legjislacionit tatimor në fuqi në Kosovë;
- ndodhin gjatë zbatimit të grantit;
- janë të paraqitura në buxhetin e propozuar;
- janë të identifikueshme dhe të verifikueshme;

c. Shpenzimet e papranueshme

Shpenzimet e paraqitura më poshtë konsiderohen të papranueshme:

- Taksat doganore dhe të importit;
- Borxhi ose pagesat për humbje;
- Tatimi mbi vlerën e shtuar - TVSH (për faturat mbi 200 EUR);
- Pagesat e huas dhe të interesit;
- Tarifat e këmbimit të valutave;
- Shpenzimet e amortizimit të pajisjeve;
- Blerja e tokës ose pronës së paluajtshme;
- Blerja e automjetit ose gjeneratorit;
- Pagesa e shpenzimeve që mbulohen nga donatorë të tjerë;
- Kredi për palët e treta.

4. PROCEDURA E APLIKIMIT

a. Dokumentet e detyrueshme

Përveç formularit të aplikimit që duhet të plotësohet sipas formës së EJA Kosovë për grant institucional, aplikantët duhet të paraqesin edhe këto dokumente obligative që duhet të dërgohen si dokumente të ndara:

1. Certifikata e regjistrimit të OJQ-së, e lëshuar nga Departamenti i OJQ-ve/MAP;
2. Certifikata e Numrit Fiskal (në rastet kur ky numër nuk është në certifikatën e regjistrimit);
3. Statuti i Organizatës (versioni i nënshkruar dhe identik me Statutin i cili është dorëzuar Departamentit për OJQ);
4. Nëse aplikanti është fondacion ose institut, lista e anëtarëve të Bordit Drejtues;
5. Nëse aplikanti është shoqatë, emri i Kryesuesit/es të Kuvendit të Anëtarëve. Poashtu, nëse shoqata ka bord/e apo ndonjë organ tjetër të ndërmjetëm, lista e anëtarëve të atij organi;
6. Deklarata mbi Personat e Ekspozuar Politikisht (PEP) (sipas formës së EJA Kosovë);
7. Dokumenti Strategjik i Organizatës, i cili mbulon gjithë ose pjesën më të madhe të periudhës së grantit ;
8. Buxheti i të gjithë organizatës për periudhën e aplikimit, me dallim të qartë të atyre linjave të buxhetit për të cilat kërkohet mbështetje nga EJA Kosovë, si dhe specifikimet e arsyetimet e pagave (sipas formës së EJA Kosovë);
9. Plani Vjetor i Punës i gjithë organizatës për periudhën e aplikimit, me dallim të qartë të aktiviteteve kryesore për të cilat kërkohet mbështetje nga EJA Kosovë (sipas formës së EJA Kosovë);
10. Korniza Logjike e Dokumentit Strategjik të Organizatës (sipas formës së EJA Kosovë);
11. BIO-të e shkurtër të menaxhmentit të organizatës dhe personave përgjegjës për zbatimin e grantit, nëse janë persona të ndryshëm (si dokument i ndarë, jashtë tekstit eventual brenda aplikacionit);

12. Pasqyrat vjetore financiare të organizatës³ për dy (2) vitet e fundit (2019 dhe 2020);
13. Raportet e auditorit për dy (2) vitet e fundit (2019 dhe 2020), në rast që organizata aplikuese është e obliguar që të ketë raport të auditorit ose në rast që e posedon një të tillë pavarësisht obligimit;

Të gjitha formularët e aplikimit të programit EJA Kosovë për këtë thirrje për aplikim mund të shkarkohen [këtu](#).

b. Dorëzimi i aplikacioneve

Aplikacionet e kompletuara dërgohen vetëm përmes emailit në adresën aja@kcsfoundation.org.

E-maili duhet ta përmbajë formularin e kompletuar të aplikimit dhe të gjitha dokumentet e detyrueshme të renditura në seksionin 4.a. Aplikantëve do t'u kërkohet të verifikojnë nëse aplikacioni i tyre është i plotë duke përdorur listën e kontrollit të paraqitur në formularin e aplikimit. KCSF-ja do ta konfirmojë pranimin e aplikacionit duke iu përgjigjur aplikantit me një email automatik konfirmimi.

c. Afati i fundit për aplikim

Afati i fundit për aplikim është **12/10/2021 në ora 24:00**. Aplikacionet e pranuar pas afatit të fundit për aplikim nuk do të shqyrtohen.

d. Kontakti:

Për pyetjet lidhur me përgatitjen e dokumenteve për aplikim mund të na kontaktoni në ejainfo@kcsfoundation.org, jo më vonë se **04/10/2021**. Të gjitha pyetjet dhe përgjigjet do të publikohen në seksionin Q&A (pyetje dhe përgjigje) të webfaqes së KCSF-së, jo më vonë se **08/10/2021**.

Aplikantët këshillohen ta kontrollojnë rregullisht seksionin Q&A, të publikuar në webfaqe.

Luteni ta përdorni vetëm këtë email për komunikim me KCSF-në në lidhje me procesin e aplikimit.

5. VLERËSIMI DHE NJOFTIMI

Vlerësimi i aplikacioneve për Grant Institucional do të bëhet në dy faza:

- 1) Kontrolli administrativ (verifikimi i kritereve formale dhe dokumentacionit të plotë) dhe
- 2) Vlerësimi i përmbajtjes (bazuar në kategoritë dhe kriteret e vlerësimit).

a. Kontrolli administrativ (verifikimi i kritereve formale dhe dokumentacionit të plotë)

Të gjitha aplikacionet vlerësohen gjatë kësaj faze për të parë nëse kriteret në vijim janë respektuar/dorëzuar:

1. Të gjitha kërkesat administrative dhe teknike të paraqitura në formularin e aplikimit;

³ Pasqyrat vjetore financiare duhet minimalisht të përmbajnë bilancin e gjendjes dhe pasqyrat e të ardhurave dhe shpenzimeve. Raportet e auditorit duhet t'i përfshijnë dy pasqyrat kryesore financiare të organizatës. Për organizatat e krijuara së fundmi, vetëm nëse është e aplikueshme.

2. Kriteret e pranueshmërisë së organizatave;
3. Dokumentet e detyrueshme;
4. Shuma e kërkuar dhe
5. Kohëzgjatja e grantit.

Aplikacionet që nuk i plotësojnë kriteret e specifikuar nuk do të kalojnë në vlerësimin e përmbajtjes. Rezultatet e përputhshmërisë me kriteret administrative i komunikohen secilit aplikant me shkrim.

a. Vlerësimi i përmbajtjes dhe vendimi përfundimtar

Aplikacionet që e kalojnë kontrollin administrativ do të vlerësohen nga Ekipi për vlerësimin e granteve (EVG), i përbërë nga pesë ekspertë të jashtëm me ekspertizë dhe njohuri përkatëse. EVG do t'i vlerësojë aplikacionet në dy faza, përmes: 1) shqyrtimit të dokumenteve të dorëzuara dhe 2) intervistave publike.

Ekipi për vlerësimin e granteve do t'i vlerësojë aplikacionet në bazë të kriterëve dhe peshës si vijon:

- 1. Cilësia e strategjisë së organizatës (30%)**
- 2. Përfshirja e qytetarëve/grupeve të synuara në punën e organizatës (30%)**
- 3. Niveli i kapacitetit organizativ dhe qeverisjes së brendshme (20%)**
- 4. Relevanca e përvojës së mëparshme (10%)**
- 5. Efikasiteti i shpenzimeve në buxhetin e propozuar (10%)**

Vlerësimi maksimal për aplikacion është 100 pikë.

Pas vlerësimit fillestar të aplikacionit të dorëzuar dhe të gjitha dokumenteve të detyrueshme, aplikantët që marrin së paku **51 pikë** (nga gjithsej 100), si dhe gjysmën e pikëve në dispozicion (50%) në secilën nga të pesë kategoritë e paraqitura më lart, do të përzgjidhen në listën e ngushtë.

KCSF-ja do të organizojë vizita në të gjitha organizatat e përzgjedhura në listën e ngushtë, përveç atyre organizatave të cilat e kanë pasur një vizitë të ngjashme nga KCSF gjatë vitit 2020, e të cilave do t'u kërkohej një konfirmim me shkrim që nuk ka ndonjë ndryshim të rëndësishëm të gjetjeve nga vizita e kaluar. Vizita e stafit të KCSF-së do të përqendrohet në kapacitetin organizativ, qeverisjen e brendshme dhe menaxhimin financiar. Pas vizitës, një raport përgatitet dhe dërgohet te EVG për secilën organizatë. Të gjitha këto organizata do të ftohen në intervista publike. Intervista do të përbëhet nga një prezantim i shkurtër i propozimit të grantit (10 minuta) dhe përcjellur me pyetje dhe përgjigje (10 minuta) me anëtarët e EVG.

Pas përfundimit të intervistave, ekipi për vlerësimin e granteve rekomandon listën e aplikantëve për financim. Për t'u konsideruar për financim, aplikantët duhet t'i marrin së paku **71 pikë** në total, si dhe gjysmën e pikëve në dispozicion (50%) në secilën nga të pesë kategoritë e paraqitura më lart. Lista përfundimtare e organizatave të rekomanduara për financim do të përcaktohet në përputhje me shumën e fondeve në dispozicion. Lista e organizatave të rekomanduara për financim duhet të plotësojë kuotën gjeografike ku të paktën 30% e përfituesve do të jenë organizata me seli dhe që veprojnë jashtë Prishtinës.

Donatorët e kanë të drejtën e vetos mbi listën e aplikantëve të rekomanduar për financim për rastet që konsiderojnë se bien ndesh me vlerat e promovuara nga donatori ose përkojnë me intervenimet të tjera të ngjashme të financuara nga ta.

Para nënshkrimit të kontratës, aplikantët e suksesshëm do të përkrahen nga KCSF-ja për ta finalizuar dosjen e tyre. Gjatë kësaj faze të gjitha kushtet e vendosura nga EVG duhet të plotësohen. KCSF gjithashtu rezervon të drejtën të komentojë dhe të propozojë ndryshime të vogla të cilat nuk e ndryshojnë aplikacionin apo aktivitetet e aprovuara por kontribuojnë në zbatimin më të suksesshëm të grantit institucional.

b. Njoftimi për vendimin dhe shqyrtimi i ankesave

Secili aplikant që ka marrë pjesë në procesin e vlerësimit të përmbytjes do të pranojë përgjigje lidhur me rezultatin e aplikacionit të tyre. Aplikantët e pasuksesshëm mund të kërkojnë sqarime. Në rast se ata konsiderojnë se propozimi i tyre nuk është vlerësuar bazuar në meritat edhe pas marrjes së sqarimeve shtesë, aplikantët mund të paraqesin një ankesë zyrtare. Procedura për të kërkuar sqarime shtesë ose ankesë është publike në [webfaqen e KCSF-së dhe poashtu do të sqarohet përmes komunikimit me email](#).

Informacioni mbi përfituesit e përzgjedhur të granteve do të publikohet në [webfaqen e KCSF-së](#) pasi të jenë nënshkruar kontratat.

6. DATAT E RËNDËSISHME

Procesi	Data tentative
Publikimi i thirrjes për grante institucionale	06/09/2021
Sesioni informues(online):	*Detajet do të publikohen në www.kcsfoundation.org dhe KCSF FB faqe .
Afati për pyetje dhe sqarime	04/10/2021
Data e publikimit të përgjigjeve	08/10/2021
Afati për dorëzimin e aplikacioneve	12/10/2021
Informata rreth kontrollit administrativ	18/10/2021
Informata për aplikantët e listës së ngushtë	Nëntor 2021
Vizitat e KCSF-së tek aplikantët e listës së ngushtë	Nëntor/dhjetor 2021
Intervistat publike	Dhjetor 2021
Vendimi përfundimtar	Dhjetor 2021
Nënshkrimi i kontratës	Janar 2022
Fillimi i zbatimit të grantit	Janar 2022